

SIARAN MEDIA

Kuala Lumpur, 15 September 2016

Datuk Johari Abdul Ghani dilantik sebagai Ahli Lembaga Pengarah Khazanah

Khazanah Nasional Berhad (“Khazanah”) dengan sukacitanya mengumumkan pelantikan Datuk Johari Abdul Ghani sebagai Ahli Lembaga Pengarahnya. Pelantikan itu dibuat pada mesyuarat Lembaga Pengarah Khazanah ke-80 pada 15 September 2016.

Datuk Johari kini adalah Menteri Kewangan II. Sebelum menyandang jawatan tersebut pada 27 Jun 2016, Datuk Johari merupakan Timbalan Menteri Kewangan. Datuk Johari memulakan kerjayanya di firma perakaunan antarabangsa, Peat Marwick & Co. (kini dikenali sebagai KPMG) sebagai juruaudit. Beliau pernah memegang pelbagai jawatan kanan di beberapa syarikat tersenarai awam serta menyandang jawatan Pengarah Urusan di beberapa syarikat yang terlibat dalam industri makanan dan minuman, pertanian serta pembuatan.

Datuk Johari kini juga merupakan Pengerusi Yayasan Bena Nusa yang ditubuhkan untuk mengurangkan kadar kemiskinan bandar serta meningkatkan tahap pendidikan bagi kanak-kanak daripada golongan miskin bandar. Beliau juga merupakan Pengerusi Jawatankuasa Pemakanan Negara di Kementerian Pertanian dan Industri Asas Tani.

Beliau berkelulusan Diploma Perakaunan dari Institut Teknologi MARA dan merupakan seorang akauntan bertauliah di bawah Persatuan Akauntan Bertauliah (ACCA).

TAMAT

Untuk sebarang maklumat lanjut, sila hubungi Mohd Raslan Md Sharif di talian Tel +603 2034 0000, atau menerusi e-mel di raslan.sharif@khazanah.com.my.

Tentang Khazanah Nasional Berhad

Khazanah Nasional Berhad adalah dana pelaburan strategik Kerajaan Malaysia yang diamanahkan untuk menguruskan aset-aset komersial milik Kerajaan dan melaksanakan pelaburan-pelaburan strategik. Khazanah terlibat dalam pelbagai sektor seperti tenaga, telekomunikasi, institusi kewangan, penjagaan kesihatan, penerbangan, infrastruktur, riadah & pelancongan, hartanah kreatif & media, pendidikan dan inovasi & teknologi. Antara syarikat tersenarai utama di bawah portfolio pelaburan Khazanah adalah Telekom Malaysia Bhd, Tenaga Nasional Bhd, CIMB Group, Axiata Group Bhd, IHH Healthcare Bhd, Malaysia Airports Holdings Bhd dan UEM Sunrise Bhd.

Untuk maklumat lanjut mengenai Khazanah, sila layari www.khazanah.com.my